

OFFICIUM INTERLINGUISTICUM BUDAPESTIENSE.



Dom.

prof. Giuseppe Peano

Cavoretto-Torino.

Budapest, 6.4.30.

Honorato coidealista,

14

Me age gratias pro Vestro generoso auxilio de meo projecto de Societate Pirro. Suo fiasco es evidente. Responde, in modo affirmativo, Weisbart et Drezen /directo ad me/, cum numero obiectio Michaux, quasi contra projecto Wahl et Jespersen. Sed Roma non fit constructo dum uno die. Ce fiasco es signo, que aut interlinguistas numero non es satis maturo etiam pro accipe meo ideas, aut apparentia de meo ideas non es etiam satis maturo pro pote penetra in mentes. Ergo me continua meo labore et spera in modo firmo, que meo activitate in vita interlinguistico vol es valde utile pro meo futuro activitate caetero scientifico.

Me redde dependente publicatione de meo dissertatione fundamentale super interlinguistica de successu de Societate Pirro. Nunc me resigna de suo publicatione et me expecta penetratione plus profundo de meo ideas.

Me es valde sceptico coram congressu intersystematico pro linguistica normativo. Vos scribe, que aliquo idea claro se manifesta in comptes rendus, inter confusione. Es possibile, sed me non pote crede, que ce pote contribue ad "solutione". Unione inter Espistas, Jespersen, Wahl, appare quasi impossibile.

Es valde interessante et signo valoroso de evolutione, novo lingua de Weisbart. Id es jam quasi conforme ad consilios de Api. Suo publicationes in Tolero vol es pretioso documentos de ce, quanto differente ~~interlinguistico~~ de Occ pote es solutione super basi de Occ.

Quamquam vario labores cumula-se in gradu, que in meo tempore dedicabile pro interlinguistica fit minimale, ~~et me~~ quasi non habe tempore pro alio objectos favorito, me es occupato de aliquo problema de logica. Me nunc ~~interlinguistico~~ quaestiones: an Vos permitte ad me, ut me pone aliquo quaestiones?

Salutationes coidealisticas

de Vestro devoto

de G. Peano